

空同集

二十卷之二十三卷



空同先生集卷第二十



北郡李夢陽撰

詩 七言歌行四十首

題詠二十首

李進士醉歸圖歌

鄭生畫像歌

畫魚歌

林良畫兩角鷹歌

吳偉松窓讀易圖歌

鍾欽禮山水障子歌

贈郭氏畫登遊快閣歌

觀序上人所藏陶成畫菊石歌

題畫三首

張侯藏張翬山水歌

畫馬行

西山湖春遊圖歌

畫竹行

題京口人山水圖

題畫搖筆成詩

錢選畫張果圖歌

周文靜畫雪山圖歌

題畫山水送人還歛

壽兄圖歌

游覽九首

登天池寺歌

御製廬山周顛碑歌

遊棲賢橋歌

懷玉山歌二首

鐵柱引

快閣引

九江陸還南康望東林

觀水簾泉歌

周唐初體五首

楊花篇

明星篇

漢京篇

去婦詞

蕩子從軍行

長短句三首

沈大夫行

雪山歌送萬子

廣州歌送羅參議

用張王體二首

冰車行

鹽井行

用李賀體一首

清夜行

題詠二十首

李進士醉歸圖歌

誰將一幅雪白絹。放筆橫掃黃金殿。五雲飛花白片
片。李生胡此開生面。御河塵昏楊柳暮。彷彿初罷南
宮宴。皇帝龍飛十二春。同時三百登要津。曹生李
生。余最親。曹勢李也。傳經人。光耀雖云丈夫末。不聞
致君須致身。自汝白手扣閭闔。想像紫陌行駢駢。曹
留李歸。事亦變。李生意氣圖中見。醉歸扶起杏林下。
眼花熟人無識者。飛鳥來窺進士巾。游絲故骨誇官
馬。卽論此馬亦有神。畫出紫焰方瞳真。嚼勒齧膝如
待人。長行大步不動塵。絡頭鞞鞞純用銀。細巧似織
翻江鱗。汝昔出門驢無騎。曹生共被甘鹽齏。比許欲
入周召列。成就恥與蕭朱齊。於乎男兒一旦榮。幸果
如此。生不報國老空悔。

鄭生畫像歌

巖風颭颭樹葉赤。秋林紫氣丹丘積。問君胡爲坐石
根。微吟極望天雲昏。南歸舟楫杳將滯。故園花鶯當
復存。浚儀張生好作筆。貌爾形似兼其魄。細模妍描
豈乏手。傳真水月烟中柳。意氣朗如千里骨。精神合
居萬人首。憶昨觀君飛射時。彎弧走馬實男兒。更求
張筆須傳此。欲識豪雄豈帝詩。

畫魚歌

呂公手持畫魚障。清晨掛我北堂上。島嶼晴開雲蕩

蕩衆魚出沒隨風浪四壁蕭蕭起寒漲嗟此數尺障
天機妙入神信手掃絹素慘澹開金鱗濠梁斷裂東
津遠任公掣釣滄溟晚此時天黑衆魚出鼉鼉徙穴
蛟龍返或言乘潮萬魚集細小亦赴雲雷入只尺波
濤有得失屈強泥沙恐難立細觀又似洪河風崑崙
既道龍門通霹靂殷殷行地中鯉眼下射盤渦紅非
獨一身生羽翼亦有數子隨飛龍山根小魚更無數
鱸鮪昂藏噴煙霧美人修竿淇水闊漁子孤舟洞庭
暮我生好奇古覽畫心不動呂公此障誰爲之令我
一見神色竦想當經營始筆端萬鈞力五湖齊傾四
海立空牕滾滾拔浪急陽侯逆走天吳泣不然干魚
萬魚何由集我聞神性物變化不可料點睛破垣古
有兆卽恐風雷就壁起養人揮刀莫相笑

林良畫兩角鷹歌

百餘年來畫禽鳥後有呂紀前邊昭二子工似不工
意吮筆決皆分毫毛林良寫鳥祇用墨開縑半掃風
雲黑水禽陸禽各臻妙掛出滿堂皆動色空山古林
江怒濤兩鷹突出霜崖高整骨刷羽意勢動四壁六
月生秋隴一鷹下視睛不轉已知兩眼無秋毫一鷹
掉頸復欲下漸覺颭颭開風毛匹綃雖慘澹殺氣不
可滅戴角森森爪拳鐵迥如愁胡皆欲裂朔雲吹沙
秋草黃安得臂爾騎四騾草間妖鳥盡擊死萬里晴

空灑毛血我聞宋徽宗亦善貌此鷹後來失天子餓
死五國城乃知圖寫小人藝工意工似皆虛名校獵
馳騁亦末事外作禽荒古有經 今皇恭默罷游燕
講經日 御文華殿南海西湖馳道荒獵師虞長俱
貧賤呂紀白首金爐邊日暮還家無酒錢從來上智
不貴物淫巧豈敢陳 王前良乎良乎寧使爾畫不
直錢無今後世好畫兼好歌

吳偉松窓讀易圖歌

仄巘泉流石無數素壁濛濛起烟霧君家屋宇在城
市何以堂上生松樹側聞江夏生氣酣掃毫素絕筆
風雷拔地起意匠鑿天天爲怒泰山古根生眼前俄

頃縮出徂徠山懸蘿掛薜裊裊黑復有草舍松之間
惚間老人髮髮禿手翻一編周易讀空山瑟瑟翠濤
激長干冥冥暮花撲速知既已死希夷不復作青丘
石室杳何許恍然置我此溪壑翻愁一夕雷電入大
丁追書上廖廓又畫石下根屈曲如老龍胡奴瞑踏
孤岩菘蓬頭赤脚露兩肘月明汲泉山礪中却憶前
年 召畫師江夏吳生亦與之短褐垢臉見 天子
禮貌雖村骨格奇 帝令待 召仁智殿有時半酣
被 召見跪翻墨汁信手塗白日慘澹風雲變 至
尊含笑中官羨五侯七貴爭看面請觀此幅松舍圖
黃金失價連城賤吳生吳生太氣哢一言不合輒投

硯

鍾欽禮山水障子歌

鍾生始學戴文進。後來頗自出機軸。山林槎枒波漫靡。骨格雖傳氣不足。此幅樹石差可意。綴得茅堂傍江麓。連山遠勢亦可取。轉折頗似蕭湘曲。竹嶼陂陀九疑隔。蒼梧洞庭濕雲白。黃陵美人把瑤草。天寒日暮行空澤。鷓鴣雙飛鴻鴈宿。榭樹颯颯江水碧。細看谷口花。又疑武陵源。孤舟欲往不可得。對此彷彿聞清猿。亭間更著四老翁。衣冠各異鬚眉同。紫芝山深石漠漠。悵望萬里來悲風。人生有形貴自適。我今胡爲塵埃中。觀盡感事面顏紅。有畫如此何必工。歌徹

日送滄洲鴻

贈郭氏畫登遊快閣

昨朝快閣舉目無江湖。凭闌二豪俱徘徊。把杯思欲丹青寫之人。則無城中郭清狂。一生弄丸戲洪鑪。方瞳如水霜半顙。展紙爲掃登閣圖。邑城隱見林木扶。畫我快閣上半天。風立樓觀孤急流。波濤沸欲動。前山雷雨勢可呼。二豪意態各亦足。彷彿指說荆吳巫。回顧東海猶一盃。是日南風萬船集。江隅郭亦畫出檣之鳥。精密似跨北海社。筆力頗凌江夏吳。江中流雲西北徂。又若萬里獨往朝京都。我心與客方念此。郭能畫之真奇士。

觀序上人所藏陶成畫菊石歌

陶生畫菊石老藁有筆力此石與此菊今爲序公得
兩株徙倚石根前古石苔蘚屈連錢復有餘株散在
地平坡雜草青烟絲回株點綴花翩翩含姿弄態不
一足背向纖穠皆可目突如大家貴介女珠翠雖搖
氣莊肅近時名手計汝和此生筆力方之過江東徐
霖學畫石效顰差勝王與何亦知神品多冥契下筆
巉巖拓高勢石磊磊芍菊漫漫清霜古路花斑斑遠
意頗類東林山東林昔築蓮花臺彭澤攢眉不肯來
歸家對菊獨銜杯序公叢林號白足不重蓮花番重
菊終然畫餅不充腹何如種向西山麓秋林寒芳采

服食煮石煉藥亦爲得愛鷹愛馬古有之不獨序公
何太息

題畫二首

雪城陰陰氣蕭瑟鄭生提畫來相訪面顏戚促意不
樂告我欲買南行舫覽畫指點色惆悵雨倒江翻拔
層浪君不見江上簑笠翁歸遲水道憂天風
江寒雨急莽無路漁人撒網乘烟霧魚蝦瑣細不直
錢汝休輕觸蛟龍怒展畫見此心中悲犯嶮覓利古
所卑只今風浪無晨暮爲問安流歸者誰

張侯識張翬山水歌

張翬有名成化間大塗小抹成山水樹石燥硬筆意

古往往人間落片紙此幅粗淺色更枯或謂非暈出
其子張侯識鑒天下精物物如金見沙底爾家圖畫
千萬軸素壁高堂安用此寧知上智不滯物牝牡不
貴貴者骨尺山即如對玄圃草屋臨岬氣出沒岬根
林堂頗清迥遠雲澹沲開秋嶺霜蘿細紆岩檻暝昏
猿接掛花溪靜自從去年拋棄官夢想山遊駕江舸
見此拂衣便欲往攀緣轉玩情無那岬亭更著一人
坐斗絕看書樹婀娜張侯豪曠人共知敏捷言談皆
勝我鹽車鬱沒騏驥棄蹇拙逢時每相左崑崙洞庭
不我隔異時倘結煙霞果

畫馬行

嗚呼驂駟不可見世人任耳不任目玉勒金羈滿地
行可道中無千里足君收此馬畫者誰凝豪苦意求
其骨尺縑颯爽毛鬣動凌風似欲真馳突曹霸畫馬
無此精拂拭慘澹神氣生細觀決非近代物印押剝
落無姓名四海只今多戰爭安得此馬一敵萬絡頭
騎出千人驚擒戎破虜任橫行

西山湖春遊圖歌

我家掛出西山圖上有西山下西湖上堂見者怒氣
麤問客何所怒何得生此嗔縱使撐天拄地無比倫
古人局量非今人罅間雖添兩禿松孰與遠勢開心
胸銀山鐵壁 皇陵東彷彿下走追飛龍一曲一折

苦不易可憐片素騰雲氣落花冥冥萬壑靜白日杲
杲千巖碎森沉不見雷霆仗照爍盡壓金銀寺回思
開疆 帝秉鉞燕山突立五鳳闕錦綉離宮巖嶮入
龍權水戲滄溟竭君不見輦道哀湍瀉松柏摧枯虎
出沒至今守僧住湖傍琉璃湧動鼉鼉忙事關體統
畫合諱點綴半露還半藏伊昔休沐屢憇此耳邊尚
夏金琳琅上林花艷何所無東風只恁吹西湖夾岍
小杏欲爛熳騎驢紗帽西郭途同行康何咸我徒祗
須十錢買尺魚旋挑土薺甘如酥朝來青暮望湖紫
衣行童隨挈壺大者鼓簧小吹竽爛醉花下鳥每呼
汝曹何處吾已翁十年獨看梁園紅傷心痛定忍復

說回首萬事真匆匆嗚呼故舊離合誰獨無使我不

悲堂上圖使我不悲堂上圖

來青軒名
望湖亭名

畫竹行

鄢陵王孫稱竹溪手自栽竹堂東西已詫白晝雷雨
入遽使六月秋雲低王孫拈筆傳竹神不得乃憶能
傳人黃筌異世與可滅本朝頗數東吳真一幅千金
擲不惜有時客來掛之壁壁上階前翠相射風行琳
琅曼摩仄四座慄慄生寒色陟陀沙嶼意勢遠洞庭
水落瀟湘晚白雲悠悠去不返叢篁寂寞雙妃怨於
乎畫形難畫心黃陵鷓鴣啼至今月不常盈日中晏
人生何必長悲吟堂有佳賓膝有琴美酒一酌還一

畫集卷下
九言
斟竹溪子斟竹葉歌竹枝醉攄玉案吹參差左杯酌
竹右畫師李平孔乎吾則誰更須名手畫六逸并畫
王孫逸爲七

題京口人山水圖

青山逶迤如北固山下彷彿京口樹茅堂花蹊三月
暮萋萋舊草春遊路一從畫師掃煙墨客堂日夜流
江色江色依微帶甕城遊子歸魂逗南北

題畫搖筆成詩

去年得歸離江州七日遂登黃鶴樓南風捲江浩呼
洶。逐轟欲翻鸚鵡洲七澤莽昧不入眼孤舟屈曲襄
河轉數月已擲檀家湖夢飛每到羊公峴峴脚山南
東道樓秦川公子醉悲秋檻邊斑竹古猶活雲石寂
寞蒼梧愁重華馭遙不可叫白沙黑猿踈樹幽看圖
彷彿曾遊處素壁青天漢水流

錢選畫張果圖歌

張果者中條山人也武后聞其有道術召之果
遽死後復出往來汾晉間玄宗使李嶠齎圖書
造請焉果至舍集賢院詔肩輿入禁中問治理
神仙之事帝悅焉欲以玉真公主妻果果不從
辭還山果蓋剪紙驢乘之不則折收巾笥中而
錢圖故落於俗家今爲沔守李得矣

張翁紙驢真有無錢也何意傳其圖印記雖明幅斷

裂李侯完之亦竒絕所恨圖尾錢有詩就蛇添足將
無癡憶昔翁來集賢院入宮詔許肩輿便一日聲名
久主動千年面目吾今見帝貌深沉玉樹雄侍人一
異三人同漢皇信有瑤池降秦始枉慕蓬萊通玄言
未竟鈴殿風寸驢躍出青箱空有僮追捉雙眼紅此
驢蹶躒盤當中李侯一看一絕倒每稱獨苦嗟良工
細觀張翁骨格古徐福五利寧其伍曰嬪真令天下
疑端歸轉覺皇心疊長生殿前牛女辰廣寒仙桂舞
鸞身世間但識申師巧誰解中條放浪人

周文靜畫雪山圖歌

周生雪山世稀見遠水近水一疋練玉崕嶮嶮插湖

脚粉筆徐移掃高閣瓊枝鐵柯兩迴亞龍鱗犀甲欵
參錯林風颯颯急霰起白日冰花逐毫落天愁地慘
意各出霧合颺回勢逾惡人言四時冬最難周生善
雪仍善山虛堂突立萬仞壁尺素乍轉千重灣彷彿
寒封洛陽道得無白擁藍田關袁安甘卧幾時起退
之遭竄終召還倚山亭亭一孤松仄崕峭壑盤其中
分毛聳榦一何傑畫者有意拂嚴風君不見古來梁
棟必此物願君愛之頻拭拂

題畫山水送人還歛

黃山沙溪杳何許圖之山水無乃是軒轅宮宰相里
山人一出備荆杞石林漠漠蹊徑苔霜鶴夜悲猿嘯

哀紅顏踪跡半湖海白頭覽畫思歸來溪頭繫一船
師本無意宛如倦游者無復舟航事水雲迤邐山
雲高靜定方知動者勞回思少日懽娛地至今夢寐
猶波濤

壽兄圖歌

倚嗟我鳳生三雛二雛成立少者殂爲巢抱卵兩不
易自挺獨立身羈孤兄既躬耕濁河岸弟亦塌翅青
雲途兒長女大願各足鷄肥酒熟時相呼仲氏吹簫
塤者伯兄今六十我半百敢言意氣激墮俗要使紛
紛覩標格大梁張路固好手湖州生絹照眼白當堂
掉臂掃丹墨倏忽老面開生色盤松歲蕤雜花遠雲

屏石几文茵輒靈芝底出琅玕瓶蟠桃突磊琉璃椀
鶴行昂藏疑欲啄復綴山麋意逾宛大公烏紗微俯
身中心愛弟愛復親次公整服青羅巾傍兄祇順情
性真壺陳爵設卽未舉儼如酬勸言辭諄其言伊何
懷二人飄風烈烈吹三秦銜悽西望道路阻高丘莽
沓狐兔隣又如自叙傷夙昔衰暮安寧思苦辛季冬
十日兄生日今日天開皎日出長裾珠履坐上滿剝
辨椎牛酒盈室此時此圖挂之壁觀者嗟咨黯如失
二公揖遜恰相向回看乃在畫圖上骨法形神各不
疑輿臺緝御俱惆悵逶迤拂拭諸欲動展轉顧惜嗟
宗匠瓶中梅菊誰致女倒映芝樾故相盪鞞灼真回

綺席春芳香解溢金罍鬯兄今健飯猶廉頗丹砂我
煉尋黃婆復聞張生善山水買絹請掃青嵯峨嵯峨
一掃一千幅一年一幅南山歌

游覽九首

登天池寺歌

廬山絕頂天池寺鐵瓦爲堂白石柱傳言周顛勞
聖祖天眼尊者同顛住嶮絕下闕無底壑屈曲穿緣
惟一路頂厲秋晴強攀陟俯之四海生雲霧岷峨纍
垂西向我杳杳長江但東注君不見寺東岬石鑄竹
林穹碑 御製山之岑周顛胡不留至今周顛胡不
留至今虎啼日暮愁人心

御製廬山周顛碑歌

廬山絕頂白鹿臺上有 御製周顛碑石龜下蹲高
結璘天葩震烈雲漢回文古兩漢仍過之憶昔草昧
龍虎鬪黃旗紫蓋顛能知顛也似真還似癡 帝非
感悟寧用茲百年勢移功漸泯碑亭毀裂將及碑訶
持白晝鬼神泣光耀天陰雷電隨先朝雖允僧奏劄
修葺其如歸有司有司有司顛莫疑試看碑文碑後
詩

遊棲賢橋歌

雷泉峽激石龍從日湍山陷回光動吁嗟此壯觀萬
古誰爲開渦黃潭黑窈莫測秀黛碧玉何崔嵬人言

窟底有龍卧。氣吐白晝常風雷。去年重九登吹臺。翹
望名山思嫋娜。今年今日誰料吾。醉踏窮山躡礪石。
拂衣欲上萬仞壁。濯纓還就孤崖坐。秋風吹林猿狖
語。浮橋橫空裊相挂。嵐寒細飄瀑布雪。峰雲破碎芙
蓉裂。金芝瑤草真有無。縹緲仙燈暮明滅。君不見此
橋今千年。谷冷跡絕無人烟。岩劉苔蝕石漠漠。太白
紫陽俱我前。對此不須更慘愴。明朝且上香爐巔。

懷玉山歌二首

懷玉之山玉爲峰。四面盡削金芙蓉。東峰破碎瀑布
落。有潭十八龍爲宅。山頭草堂開者誰。斫木通道余
心悲。白猿嘯雨岩竹裂。石路上天風。樹吹我聞龍乃
變化物。羣然卧此龍。何爲胡不滂沱惠。下土一洗四
海無旌旗。

君不見懷玉山。山七盤。盤盤上無極。陰霾白日崖洞
黑。隆冬雨路誰來得。稻田月池山上頭。半天有地今
我遊。石壇剥落古佛棄。木落俯見東岩湫。湫中巨魚
長如人。紅眼射日翻金鱗。天台樵源在何許。采藥避
秦此處吾告汝。

鐵柱引

豫章古城牙城南。何年鑿井置鐵柱。井深江通沒不
見。時寒水涸始一露。玩之非石亦非鐵。孤立差牙若
枯樹。人言旌陽鎖水母。此語荒唐奚所據。或云藉此

空齋集卷三十一
西語
壓江濤茲理或有誰者勞顧今伏臘盡奔走歸美真
君瑤殿高金燈翠旗日來御雕闌玉檻園周遭俗論
紛紛不須辨秋風日暮塵滿縣

快閣引

四月月圓登快閣天半晚牕雷雨入邑中上客携酒
至歐陽羅子咸來集去年爲閣初築臺我時登之雷
雨來神明似有兩歲約晴霧歛值千山開千山迴轉
江中流徙倚闌干增暮愁夕日下看衡嶽破波濤左
顧匡廬浮苦思去年生盜賊大江南接江之北烽火
遙連海岱紅殺雲眼見鄱陽黑斯邑洶洶今始安我
今對酒能不寬諸君稍減般移苦百姓新回種植懽
北風江湧月東來更說夙昔俱停杯陰晴倉卒不自
料萬事恍惚誰能猜潢池暫殄干戈釁句隅猶抱瘡
瘼哀勸君置此勿復道放歌且與雲徘徊

九江陸還南康望東林

匡廬山北東林寺前年八月遊曾至只今馬出蓮峰
道西望東林但縹緲風吹擗櫟猿晝啼卻憶石門臨
虎溪舊聽石瀨尚在耳雷燒碑樹今應死

觀水簾泉歌

水簾瀑布人罕至三級背懸五老峰礪石嵯岬路險
澁深窟風草吟蛇龍自從開闢藏難見可憐彼瀑蒙
稱羨走勢天晴萬古雷流光壑暝常留電亂峰雲走

白日微翫罷催君及早歸鬼神忌才亦好靜恐有驟
雨沾裳衣

用唐初體五首

楊花篇

洛陽三月東風起楊花飛入千門裏只見朝紫上苑
烟那知夕逐東流水苑烟流水無休歇暖日輕盈度
仙闕趙女瑤臺貯綵霞班娘團扇啼明月綵霞明月
幾沉輝陌上行人亂撲衣征夫柳塞愁看鴈少婦香
閨懶上機柳塞香閨萬餘里草色連天度隴水玉門
關外雪猶飛章臺樹裏風先起誰家浪子千金馬平
明挾彈章臺下頭上羅巾玳瑁簪腰間寶鈿珊瑚把
踏絮來尋賣酒家持香坐調當壚者當壚美女怨陽
春笑掇楊花襯繡裯青樓薄暮難消遣白雪漫天愁
殺人冥冥漠漠春無極此時惟有楊花色一朝風雨
靡蕪爛獨慘垂條三嘆息

明星篇

正德間早起聞內教場砲喊之聲作此篇也

明星出地一文高天門沉沉魚鑰動沙堤露下玉珂
寒直廬雞唱金蓮重千門萬戶曉鐘發明星漸高河
漸沒燦爛疑侵翔鳳樓依稀故抱飛龍闕鳳樓龍闕
帶曾城翠輦朱衣夜夜行黃昏競奏催花宴天明猶
聽打球聲蘭烟桂火輝如日明星迢迢照不入百子

池頭青草生長信宮中紫苔集草色苔香秋復春此
日乘槎若問津明星曉落宵還見白髮黃金愁殺人

漢京篇

漢京臨帝極複道衆星羅烟花開甸服錦繡列山河
山河自古稱佳麗城中半是王侯第峻閣重樓夾道
懸雲房霧殿森虧蔽牧豚賣珠登要津樊侯亦是鼓
刀人時來叱咤生風雨奄見吹嘘走鬼神平津結兄
蓋侯弟杯酒相看何意氣執鞭盡是虎賁郎守門不
說長安尉長安烽火入邊城挺劍辭君萬里行去日
千官遮馬餞歸來天子降階迎朱弓尚抱流沙月寶
鉞常飛翰海星不分燕然先勒石真教麟閣後標名
豈知盛滿多仇忌可惜榮華如夢寐地宅田園奪與
人丹書鐵券成何事霍氏門墻狐夜號魏其池館長
蓬蒿三千劍客今誰在十二珠樓空復高後車不戒
前車覆又破黃金買金谷洛陽亭榭與山齊北印車
馬如雲逐陰郭豪華真可憐雲臺將相珥貂連當時
却恠桐江叟獨着羊裘伴帝眠

去婦詞

正德元年戶部尚書韓文暨內閣師保等咸相
繼去位李子作此詞也

孔雀南飛鴈北翔含顰攬涕下君堂繡幙空留並齒
昔羅袂尚帶雙鴛鴦齒齒鴛鴦誰不羨人生一別何

由見只解黃金頃刻成。那知碧海須臾變。賤妾甘爲
覆地水。郎君忍作離弦箭。憶昔嫁來花滿天。賤妾郎
君俱少年。瑤臺築就猶嫌惡。金屋粧成不論錢。重樓
複道天中起。結綺臨春照春水。宛轉流蘇夜月前。萋
迷寶瑟烟花裏。夜月烟花不相待。安得朱顏常不
改。若使相逢無別離。肯放馳波到東海。薄命難交
娣姒知。衰年恨少姑嫜在。長安大道接燕川。鄰里
携壺舊路邊。妾悲妾怨憑誰省。君舞君歌空自憐。
郎君豈是會稽守。賤妾寧同會稽婦。郎乎幸愛千金
軀。但願新人故不如。

蕩子從軍行

蕩子從軍行者本駱氏蕩子從軍賦也。余病其
聲調不類。於是改焉。

胡兵十萬起妖氛。漢騎三千掃陣雲。隱隱地中鳴戰
鼓。迢迢天上出將軍。邊沙遠離風塵氣。塞草常萎霜
露文。蕩子辛苦十年行。回首關山萬里情。才聞突
陷賢王陣。又遣分圍右校營。紛紛鐵騎朝常警。寂
寂銅焦夜不鳴。滄波積凍連蒲海。雨雪凝寒遍柳城。
地分玄微指青波。關塞寒雲本自多。嚴風凜凜將
軍樹。苦霧蒼蒼太史河。揚麾拔劍先挑戰。征旆凌沙
犯霜霰。樓船一舉爭沸騰。烽火四連相隱見。戈文
耿耿懸落星。馬足駸駸擁飛電。終當取駿效先鳴。豈
暇論功稱

後殿征夫行樂踐榆溪。倡婦銜怨坐空閨。薜蘿舊曲終難贈。芍藥新詩豈易題。池前對怯鴛鴦伴。庭際羞看桃李蹊。蕩子別來年月久。賤妾空閨更難守。鳳凰樓上罷吹簫。鸚鵡杯中臨勸酒。同道書來一鴈飛。此時緘怨下鳴機。已剪鴛鴦帖。夜被更薰蘭麝染春衣。屏風宛轉蓮花帳。窓月玲瓏翡翠幃。箇日新粧如復罷。祇應含笑待郎歸。

長短句三首

沈大夫行

沈大夫遺我以凜冽玉壺之冰。報汝以離離朱瑟之繩。繩以發凌雲絕響之妙曲。冰以滌卓犖磊砢之清膺。此曲可以崛地。欻揚天經。宜融風。召遐齡。奏之敬姜室。允宜軻母庭。沈大夫奉詔且還家。松江鱸魚白。躍玉土居斫笋如斫麻。烹羊擊鼓會親戚。太守長吏爭趣車。猗乎嘉哉男兒生。不顯親。譬如錦衣夜行。雖貴何足誇。

雪山歌送萬子

雪山高哉。危乎。岌兮。吾不知幾千萬仞。但見見雲峰之崔巍。巖冰陵競。縞壑瑩石。晶耀而萃。律兮。懸猿不得度。飛鳥何由迴。大峰如老翁。冕佩凌紫埃。諸峰似兒孫。羅列芙蓉開。江日海湧地。軸動孤光倒。曳生奔雷。岌乎。危哉。雪山之高。不可以攀陟。斧斤不入。松栢如

麻霜幹翳蔽雲根。槎枿滲膏結苓實。輪困走龜蛇。君
今策駟過其下。車徒滾滾如飛沙。何不斲取松下苓。
獻之堂上翁。上以介壽考。下以召禎祥。噫吁戲。雪山
之高吾不可得而名。惟有峨眉玉壘萬古遙相望。

廣州歌送羅叅議

麗哉遐乎廣之爲州。兮闢炎區與雄跨乎南。曆天作
五嶺。奠玄武排空下。走何崔嵬拓邦畿。千祀浩蕩人
文開秦還漢往不復識。但見古城蒼蒼生綠萊。上則
盤岡曲丘龍蜿虎蹲。其下膏場繡澗。曖而滄澗水
銀丹沙布平地。珍錯奚翅犀與瑰。夷舲賈舶競追逐。
白首浩淼誰曾回土產之異尚如此。何況四民者挺

然叅三才君。今縮牒向南去。清風吹袂心悠哉。崢嶸
五羊城側有千尺臺。曩昔聞君坐其上。醉睨滄溟如
一杯。是時榕蹊雨初霽。茉莉霜成堆。君嘗夢遊而神
適。兮豈知七載還。後來男兒成名貴。及早英雄多少
埋塵埃。羨君青鬢結。明主出叅方。岳聲如雷金章
紫綬。不可以幸致。如君者。謂非歷塊之龍媒。羅浮三
千六百文。矧律倚窮隈。巨鰲戴之與波下。上三十五
蓮峰照耀雲中輝。羣仙跨飛龍。流影亂岩霏。我欲從
之嘆無術。送君翹首空徘徊。

用張王體二首

冰車行

黃門飛鞚西北趨白馬如龍血如珠萬人齊呼冰窖
開大車小車如山來但見風行九市陌寧知玉積五
侯宅道傍暍士僵闌干唇乾口燥真大難侯門晏罷
夜烏起朱殘粉落明星裏君不見積冰化作堂前水

鹽井行

山頭井乾生棘蒿山下井塌不可熬官司白牌促上
庾富家典牛貧典女誰其使之華陽賈華陽賈子多
少年擁金調妓高樓邊夜馳白馬迎場吏曉貫青絲
還酒錢君不見場吏乘酣氣如虎鹽丁一語遭箠楚

用李賀體一首

清夜引

桂魄團團霜兔泣玉龍夜吟冰喉澁仙人起踏白芒
藁手撚一枝珊瑚株伏猊香噴紅攏瑜蠟鳳啼春蝦
捲鬚九華丹焰奪行月五虬轆雲聲軋軋銀箏翠管
聲咿啞繁謳雜舞懽意匝盤中紫棗大於瓜誰其擊
之萼綠華雙桂透迤頭兩丫密情芳緒芳且嘉瓊城
夜半重重閉偷樵小兒安得至

空同先生集卷第二十一

北郡李夢陽撰

詩

七言歌行三十二首

寄贈送酬二十三首

顧侯寄陳留公砥柱障子并詩予為作歌

雷電行贈憲卿何公美其伐也

送兒詩四首 邊馬行送太僕董卿

風沙篇送王生北行 贈張帥

贈鮑帥 白河篇送李南陽

汴河柳送沈生 王孫魏水詩以酬之

贈趙將車 贈胡石陵

贈滄洲道人

送李帥之雲中

贈張生

送王封君還四明

何儀賓生日贈歌

七夕贈王昌程誥

再送沈生

畫鷹歌贈鮑帥

感述九首

歲暮四篇

徒涉嘆

松泉子歌

飛星篇

吟思翁

鈴山堂歌

寄贈送酬三十三首

顧侯寄陳留公砥柱障并詩予為作歌

吳頽子相公客掃繪畫水復石天衝地擊河怒

號嶷嶷一柱當橫濤突立固知氣勢穩鼓盪轉見孤

稜高淋漓新題墨猶濕封緘遠寄心誠勞昔公平章

擢軍國執義委有排山力甚哉艱如漢汲黯老而純

過唐師德言違諫阻去何決群猜衆怒不動色同時

門客顧最親隔絕夢寐懷偉人峩峩砥柱公實倫顧

也歌之情句真畫者誰子筆更新數尺綃面開嶙峋

遂令觀者重回首堂上恍惚河聲吼嶮嶮若遘虎豹

踞蹙杳似覩蛟龍走竒怪常虞霹靂奪孤危定遣神

明守君不見鰲極有時艱崑崙有時翻柱乎柱乎永

且安

雷電行贈憲卿何公美其伐也

黃塵蔽日賊大戰元年年除夜雷電我軍後之天威
前一鼓破賊淮陽川昨者此賊生齊東眼中久已無
河嵩渡河轉戰勢果熾長矛健馬六石弓睢陳飛刃
晝接白毫穎劫火宵連紅一路生靈饑餓虎中原殺
氣回春鴻于時中丞秉鉞出誓不滅賊如此日三軍
素壯元老猷諸將咸遵文人律孔明綸巾不離首羊
祜輕裘僅掩膝精采遽增朱雀幟運用或叅白猿術
陷陣直如風掃葉追北譬之蜂就蜜二月朔日振旅
歸夾道桃花照鐵衣傾城盡出牛羊犒父老爭迎錦
繡旂喜氣真隨陽氣發愁雲化作卿雲飛捷聞天子
喜動色滿朝譽公降裒白金綺繒寧足酬異日凌

煙看畫墨

送兒詩四首

冬至至後風愈嚴野水皓皓霜凍顛河漸日昏不易
涉孤劍匹馬慎汝楫

北風蕭蕭狐裘薄蔽堤立馬勸汝酌汝伯煨酒友奉
孟路人不行為踟躕

壺乾日斜客子發臂弓上馬意氣勃斬蛟擒虎及汝
時我幸健飯無父思

平生自許萬言書今往謁 帝承明廬春風走馬未
爲得下有管樂上契稷

邊馬行送太僕董卿

治賢在朝亂在野唐虞圉牧皆賢者國君之富馬爲
急次者僕卿首司馬漢人五郡開河西中土始聞胡
馬嘶此馬碗礪一直萬黃金寧輕璧可賤奪駿曾空
大宛國按圖徑上長安殿首帶雖誇近苑春荆榛誰
記沙場戰致遠番歸草木功清芽秀味走胡駝三邊
盡跨連錢種六苑群嘶汗血風人亡世殊霜雪急草
豆蕭瑟馬骨立驂駟氣喪甲士苦長城窟寒鴻鴈集
朝廷每勤西顧憂四岳拜手推董侯攻駒暫出薇
花解攬轡遠過葡萄州行卿官冷心不冷固知董侯
今伯問磧沙日黃雲錦亂徵侯定上金華省

風沙篇送王生北行

顛風吹沙江海波汝乘玉駟超天河豫章千尋勢自
穩黃鵠萬里誰能羅我逾五旬鬚盡白日采山精煉
白石臨分贈汝一粒丹願言寶之勿輕擲

贈張帥

張侯五十毅強弩遇敵控馬氣如虎年來威坐都統
衙境內盜息無塵沙自言少壯從征虜北掃朔漠南
閩楚暇時勤出射雲鴻古來矍鑠成大功

贈鮑帥

蒼鷹自與凡鳥異虎子墮地食牛氣鮑侯三十名譽
成才猷吐布千人驚只今塞上風塵起 朝廷拊髀
思頗李君之察案皆英竒同升早勒燕然碑

白河篇送李南陽

白河日赤沙吐雲人喧吏闕迎神君三月萬花擁車
入滿城竹馬兒童出君昔坐郡襄漢東氣勢三楚生
雄風擿奸無論漢張敞秉義直到唐梁公霜飈偶折
奮翅鷲日月竟照凌寒松鐵幹久擬作隆棟劔翮即
睹追飛龍空同老儒不君識傾蓋逢之喜動色論文
開口夜嘗且憤事扼腕晝遽黑南陽雖邇路終隔音
書易通見難得我欲扳君數日住南民望之餒待食
君心透徹皓如玉壺之清冰君材磊落巋如萬仞之
立壁高議足以排山岳偉文足以華人國只恐茲邦
難久留漢庭來徵郭細侯

汴河柳送沈生

汴河柳嫋嫋拂地長雪花風起春飛揚送君立馬古
堤口踟躕勸盡黃金觴有車鞦韆官道旁轅駒喘嘒
何徬徨於中豈無神駿骨伯樂不遇誰爲韉人生富
貴信有命英雄仰面高天蒼高天蒼飯牛牧豕皆騰
驤

王孫餽冰詩以酬之

流金毒日赤墮地忽有冷色寒人心誰敲水晶迸大
壑力剖冰井開重陰高盤礪堆久不化老齒澆灑差
能禁安得移之白繞座一尊一酌還一斟

贈趙將軍

豐沛之間河亂走洶洶之勢成
陂數大船愁淺小愁賊賊船如飛
葦灘黑自從將軍鎮東土晝夜人行路
不澁將軍本是將門種軀榦堂堂萬人勇
入山縛虎百獸懾赤手批蛟色不動射揚葉
盡矢亦盡始知百發還百中
武宗見之屢凝顧戟郎遽拔千夫總英
雄自古不下人將軍獻策况有文驛騶暫
歷塊足鵬鶚竟上橫秋雲世情金多位乃
高圖名交結須賢豪將軍無錢自樹立於
人傲氣但長揖擠出事體雖云乖威勢我
喜行河淮黃流穩帖遁鯨鱷白日光彩收
狼豺大同反刃血未乾甘州磊卵人心寒
薦書何由至天子拜將早築黃金壇

贈胡石陵

世情認假不認真脂粉羅綺登上嬪蛾眉
入室衆女妬辛苦年年織紈綺織成進君異
君憐腐草迴日光在天荆山石中抱神異氣
如白虹勿輕弃

贈滄洲道人

滄洲道人年半百顏如渥丹髮不白
飢餐玉芝坐雙鳳渴收石髓煮金液
海月西照寧仙橋道人橋頭吹紫簫
夜半雞鳴日毳躍扶桑滾滾生紅潮

送李帥之雲中

黃風北來雲氣惡雲州健兒夜吹角
將軍按劍坐待曙紇干山搖月半落
槽頭馬鳴士飯飽昔爲完衣今

綉襖沙場緩轡行射鵬秋草滿地單于逃

贈張生

男兒三十骨格成貧賤富貴皆天生張生廣額日月
角自幼勤書飽文學十年雌伏人不知一日雄飛動
河嶽君不見宋朝宰臣云姓周少時坎坷風塵游偶
然夜夢更美鬚泥蟠遽爾行天衢

送王封君還四明

季札如魯請觀周子長足跡半九州向平且然志五
岳誰肯齷齪終一丘封君昨年出吳越長嘯梁園醉
秋月春風垂楊縮不住便復歸山採薇蕨鑑湖花開
雲錦浮鳧鷖前導紅蓮舟餐霞坐杖赤城氣晞髮卧
看袂染流古云徐卿百不憂君亦滾滾生公侯君不
見大郎繡衣昔持斧聲名赫赫今臺府

何儀賓生日贈歌

賓客白馬黃金鞭入門長揖皆我冠堆米五月窓閣
冷風簾碧簾光琅玕主人平生貴然諾季布一言重
山岳人間杜良數郡至坐無車公衆不樂列筵解帶
羅庶羞萬年爲壽千金酬向夜銅槃灼絳蠟鳳笙龍
笛何啾啾

七夕贈王昌程誥

摘酒椒羊盈朋侶擬向今宵看牛女雨來颼颼楓林
秋張燈促燕開東樓王侯旣駕鐵馬立前驅北首旌

旗濕程生買棹亦欲歸長江南望雲飛飛人生去住
料豈得一日同歡有南北君不見雙星一水意脉脉
轉眼陰晴不可測且倒金尊澆我萬古之曾臆

再送沈生

去年酌汝池蓮紅今年酌汝黃菊叢秋風颭颭吹枯
蓬飄轉向西忽復東世情敬貴不敬賢黃金不多人
不憐如脂白玉隱在璞孰肯剖致君王前白河馬歸
玄鴈起南陽賓客梁園比送君高歌枚子篇修竹團
藥夾池水

畫鷹歌贈鮑帥

鷲鳥決皆如愁胡猛將氣每吞匈奴自將黑鷹掛堂
壁百鳥窺之不敢呼安得此鷹生卽起擊兔擒狐日
千里將軍彎弓騎紫騮一箭射天落旄頭

感述九首

歲暮四篇

天。霜。草。枯。風。波。濤。愚。心。恐。懼。賢。心。勞。羣。聚。飢。獸。野。鳴。
號。高。飛。路。逆。鴻。嗷。嗷。有。狐。河。梁。聞。且。得。冰。行。緩。緩。柰。
爾。曹。

百騎橫矛血提刀我軍菜色馬蝟毛誰謂河廣不容
舠北旗獵獵風黃蒿可憐十羊抗一虎塵沙暗河暮
淮浦
長風烈烈吹山寒有松瑟瑟山之端鋪鞋布蔭芷小

草霜勢雪力莫可干。臯蘭畹蕙日摧墮。美而不遇良可嘆。

枯蓬飛沙原野昏。律窮物慘生意存。向夕氣嚴扃我門。霜白月凍啼夜鷓。圍爐煨芋啖濁酒。有話細與妻兒論。

徒涉嘆

兩山欲交水斷破。洪川無梁日漸墮。徒涉紛紛江復深。鼉喧龍鬪真愁心。無言既濟平安子。得路回看轉不禁。君不見岼風翻翻卷瓠葉。皇天倘賜築巖楫。

松泉子歌

顛崖嶽嶺撐一松。鐵幹屈曲如老龍。精靈歲久發光

彩。寒蕤古翠芙蓉峰。石泉清冷印漱洗。汨漑瑟瑟風松風。裹山人。何年住。其側手。斲伏苓。煮泉水。近來蕭灑落風塵。賣藥救世能通神。我勸山人且勿歸。金龜玉玦行陽春。

飛星篇

十月廿七昏尚坐一星出垣斗如大碎光萬點長燭天。軒牖盡明向西墮。俗子蒙頭不讀書。魯人鐘鼓拜爰居。天道悠悠誰復知。世間魚目爲明珠。

吟思翁

吟思翁翁我思蒼松碧梧世。希有海月紅雲如見之。孤鶴引唳志在萬里吞舟之魚。豈遊泔水嗟嗟噫嘻。

我思者翁翁思者何停雲日暮滄溟波

鈴山堂歌

先生昔隨玄豹住丹壑冥濛日烟霧先生今與赤龍
飛南望碧山空翠微茅堂蒼谷雲氣入囊琴鎖戶陰
陰濕沁蘭沙温春鳥暮庭松月清夜鶴立君不見山
下石峯巖千尺磯經年不釣苔成衣玉璫羊裘各有
分可問王孫歸不歸

空同先生集卷第二十一

空同先生集卷第二十二

北郡李夢陽撰

詩 散篇六十四首

效李白體

沐浴子

怨歌行

少年行

長干行

洛陽道

宋中詩

河上公

野田黃雀行

邯鄲才人嫁為厮養卒婦

苦寒行

結交行

梁園歌

梁園雪歌二首

送友人入關

送李生京試歌

送友人之京三首

春日東王相國

避暑

余園夏集贈鮑氏

贈鮑演二首

把酒

贈張生二首

別田進士

歲暮夜懷寄友二首

冬日夷門旅懷

行歌古澤中二首

白霧樹纍纍作花

故人殷進士特使自壽張來兼致懷作僕離

群遠遯頗有遊陟之志酬美訂約遂有此寄

紀夢

大霧翟左三子來訪

翟生其昂尚志人也邇從余河之上余嘉敬

焉作詩以贈

世不講曹李詩尚矣內弟會余河上能章章

道也驚有此贈

酬錢水部錫山之招

寄錢水部

十四夜脩然臺二首

十五夜

十六夜

十七夜

客有笑余霜髮者走筆戲之

戲作放歌寄別吳子

晉州留別州守及東原令用李白崔秋浦韻

客過屬驟雨過

結客行席上贈洪生

程生遊華山歸也誇我以絕觀動我以靈篇

程生遊華山歸也誇我以絕觀動我以靈篇

空齋集卷三十一
爰贈此章抒我夙悵

懷湘曲

獵雪曲二首

泂溪吟

送藩幕張小山入朝

贈程生之南海

近竹吟

水司陶君種桃柳成各有詩予和二首

贈謝子二首

相逢行贈袁求之

效李白體

沐浴子

玉盤兩鴛鴦拍拍弄蘭湯
振衣馨香發彈冠有輝光
豈念蓬首女含情怨朝陽

怨歌行

漢主十離宮涼至花盡歇
面面牕玲瓏烟紗印秋月
天公顧我笑手弄雙玉玦
但笑不肯留去若流雲沒
憂來抱團扇揚聲望丹闕

少年行

白馬白如雪銀鞍耀明月
騎出青雲樓揮鞭向金闕
自言事武皇出身爲椒房
結交樂通侯擅名闔雞場
尚主復賜第軒蓋一何光
被酒過都市殺人如剪蒿
左殪南山虎右斬北溟鰲
昨朝兵符至單于寇臨洮
奮身出玉門殺馬鬣寶刀橫行萬餘里
叱咤威風起奪馬貳師城
長揖見天子調笑大將軍醉罵柱下史
生憎漢相如白首文園裏

長干行

皚如玉山雪皎如瑤臺月郎來騎白馬調妾桃樹下
桃葉何柳柳不謂君行久倚門問來船見郎寄書否

洛陽道

桃花馬金縷頭白面郎紫貂裘三月洛陽道垂柳蔭
清澗澗水東流不記春花開花落幾迴新東風日暮
楊花起愁殺高樓獨倚人

宋中詩

六鷁退而飛乃向宋都過四海一震蕩青天白石墮
世人見此鳥仰面忽大笑誰知影不滅千載落光耀
余方卧空山聞此一長嘯

河上公

昔有河上公結廬蓬蒿下萬乘時一顧旌旗蔽原野
手揮玉如意顏貌何瀟灑曳裾授道經談天妙無窮
清光耀白日四海高其風言既忽不見竦身躡星虹
鳳凰棲梧桐鸚雀巢寒蓬饑鳶嚇腐鼠笑殺高飛鴻
物固有如此何必較愚蒙

野田黃雀行

鶉奔奔鵲僵僵來逢野田雀相逐過南疆北地苦霜
雪南地多稻梁人生美食被綺衣不及鴻鴈能高飛
鴻鴈下天遭網羅不食柰爾黃雀何

邯鄲才人嫁爲厮養卒婦

妾本寒家女誤入崇臺宮粉黛三千人花顏笑春紅
君王重歌舞幼小不曾通一朝意相近棄擲如秋蓬
昔爲高唐雲今爲馬牛風夜夢邯鄲道不識邯鄲中
金殿秋月滿歌吹行煙空白日耀千春何時燭微躬

苦寒行

太行之山何崔嵬天寒谿谷禽獸飢黃熊赤羆力相
食翠衿繡翼徒南飛啄食飲泉百意足野田稚子寒
無衣張羅掛畢伺鳥雀口作雌雄鳴且悲鶴鶉小鳥
鼓翅落鼎食之家意不樂頓箸待爾登品錯奏應鐘
開玄堂氈幃錦幄冬夜長微禽効體樽俎光秃鷲鴛
鶴當簷翔

結交行

昔時韓生有艷妻其君使築青陵臺南山有鳥不肯
來烏鵲雖小禽不受鸞鳳猜以此築臺成二人苑寒
灰舉國見之悲且哀悲且哀斷人腸墳上連理樹變
爲兩鴛鴦搯吮交頸綺翼張春風蛺蝶花飄揚君不
見酈呂結交日朝爲刎頸暮拋擲如此結交復何益

梁園歌

朝發金臺門夕度博浪關黃河如絲天上來千里不
見淮南山淮南桂樹弄婆娑掛席欲進阻洪波我今
亦作梁園歌梁園昔有信陵君名與岱華爭嵯峩三
千珠履不動色屠門執轡來相過功成不顯涕滂沱

青蠅白壁一何多我爲梁園客不登梁王臺錦帆揚
州門一去何時迴荒烟白草古城沒登臺望之令心
哀令心哀歌且謠迷塗富貴苦不足寧思白骨生蓬
蒿人生三十無少年積金累玉空煎熬獨立天地間
長嘯視今古城隅落落一堆土千年誰繼白與甫攬
淚浮雲灑煙莽灑煙莽風吹卷波濤沈吟投箸不暇
食蹴天濁浪河滔滔君不見昔人然諾一相許黃金
斗印如秋毫

梁園雪歌二首

昔對燕山雪若巖白玉京曉曳王恭氅飄飄入紫清
今爲梁園客獨對梁園雪黃雲索寞連滄海九疑望
盡飛鴻絕
飄風動三極霏雪灑煙海天地倏低昂虛無變光彩
梁臺空嶮岈枚馬今安在飛光超忽若游龍我欲從
之問千載

送友人入關

南山鬱幽幽豐木白浩浩鳥啼漢城樹塵起咸陽道
驄馬東方來長鳴翻玉蹄春風吹綠草明月滿關西
送李生京試歌

黃龍玉帝宅紫極繞逶迤爾行霜雪盡恰值春風時
天起桃花浪烟搖御柳絲要知走馬地非是冶遊兒
送友人之京三首

與君何處別汴州金梁橋下有古時水遙接廣陵潮
君搖錦帆去萬里上雲霄我掇金光草方期白鶴招

二

鳳凰鳴珠樹紫鴈滄溟外賈鄧登雲臺寧詭富春瀨
此情難具陳臨河挽衣帶積雪太行路明滅客行邁

三

田方澹蕩人侯嬴亦監門老馬尚悲辛肯負信陵言
寶劍贈烈士明珠報王孫縱令滄洲去終戀紫宮恩

春日柬王相國

白露墮瑤草佳人秋思悲葉落今幾時忽復春風吹
榮華冒殘雪故柯發新蕤爲問酒狂客金尊開對誰

避暑

避暑空林酌行歌采綠薇南來一行鷺倒映金尊飛
淹留桂樹夕瀟灑芰荷衣明月宛相待休賦醉言歸

余園夏集贈鮑氏

曉挈金玉友出挹池風清脫巾薜蘿下悠然聽流鶯
白雲行杯中紅蕖媚初英得意時自笑冥哉塵外情

贈鮑演二首

我愛汝長子遠志日超忽浮雲似其心秋水清到骨
縱酒見天真探桂遲月窟携手眺大野滄波杳出沒

二

蒲亭杳何許雲海日浩蕩團團桂枝月秋照沙溪上

幾負春草曲空餘采菱唱盈盈吳門水何時理歸榜

把酒

把酒望天地邈然無可親龍蛇洞庭浦雪霰洛陽春
霧林坐鳴琴煙徑無歸人相思東山月夜夜懸西秦

贈張生二首

恠爾辭江漢長歌入宋梁北風吹凍野歲晏天雨霜
老馬棄不育悶殺田子方拍手笑侯嬴捐生計不彰
顧瞻臺闕地寒莽但蒼蒼

攬衣斷崖口悲風振古臺叫鴈驚逆雲萬里天爲開
雪榛覆寒莎松殿扃餘苔昔人邈安在日落寒色來
棄置勿復道且酌黃金杯

別田進士

子望河上雲我望城中月不共眼前酒况乃天外別
白沙亂海曙黃雲下燕雪後期轉超忽吾將泛溟渤

歲暮夜懷寄友二首

梁客梁甫吟北風號沙林連山激湍波海氣結愁陰
雖持一杯酒而有萬古心越鳥不巢燕代馬不戀越
天明太行雪霜凍洛門月颺颺湘流深冥冥蒼梧隔
逝矣徒離憂芳蘭爲誰結

歲窮長年悲越吟遊子思寒風起枯楊夕坐知天霜
落星動海白飛沙吹雲黃蕭蕭孤蓬轉萬里何超緬
沉吟卷道帙惻愴淚如霰入河討沉淪蹈海事游衍

傳書寄麻姑與爾期相見

冬日夷門旅懷

十日五日霧一冬半冬陰行子念歸旋朔風莽悲吟
蒼蒼孟諸原慘慘杼秋林東望清淺流頗劇溟海心
川陸曠超緬浩然煙水深百齡一何適萬化相推尋
徒傳羽化迹不見鸞吹音清霜颯滿鏡紅顏倏頽侵
邈彼五湖子賢哉吾所欽

行歌古澤中二首

古澤古雲遊帶索被羊裘川寒凍日白海暝孤雲愁
鴟鴞叫秃木鴻鴈遵方洲腸斷悲哉客黃河不斷流

二

川原望不極愁思滿歸襟雲蔽長安日水流湘浦心
頽陽滅遠樹積雪明寒岑醉起海月照行歌入霧林

白霧樹纍纍作花

不作江南客空登河上臺夢中到孤山笛裏落寒梅
今朝走白霧萬枝參差開紫宮散花女騎龍下瑤陔
恍惚弄珠人玉塵生羅襪葳蕤復颯杳光采半明滅
朝陽勿遽晞留之慰超忽

故人殷進士特使自壽張來兼致懷作僕離

羣遠遁頗有遊陟之志酬美訂約遂有此寄

我生寡諧俗志與山林期謬擬渭川載豈羨荆山悲
弱齡不解事走馬長安郊紫綬雖掛身丹丘阻逍遙

心隨萬里雲舒卷何蕭蕭翩翩朱鳳凰飛集梧桐樹
冠蓋交路衢青雲有捷步彈冠無鈍斲結交盡雄才
殷君起東魯我使關西來揖鞭塵埃中朗如玉山開
時從二三友覽古黃金臺四序更代易人生豈常遇
相如歸蜀都賈誼長沙去去去遊梁園耕釣孟諸藪
日月東西沒黃河落天走雲沙白皓皓萬里見海口
雄劍掛土壁褐衣被兩肘朝從河上公暮逐墟中叟
有時弄清漪明月在我手壽張三百里北望一何邇
未移山陰棹先在石川鯉剖鯉得素書故人今何如
錦字借華星照耀蓬蒿廬空谷激寒雷冬庭轉蘭芳
曉起誦瑤音夜夢君之旁書中何所有相期陟東岳
巉岩丈人峰彷彿几前落倏如佩蒼龍倒景騎玄鶴
願從東道主握手翔寥廓

紀夢

夜夢走西陸半天落金城天門兩壁開見之駭心情
大江橫其西落日懸金盆日流江波湧霞彩照乾坤
我問此何方云是湧金門揮手上雲樓邂逅錢世恩
把袂凌天梯笑倒黃金樽神出石室訣飲我金莖露
人區杳難托東指蓬萊路夢醒不見君空江暝煙霧

大霧翟左二子來訪

蒸煙暝萬古垂雲結樓臺白日墮空冥天地安在哉
川嶽水穹崇寒林倏花開對酒不能飲擁褐心悲哀

空齋集卷十三
十一
言
翟生崔羅裔左氏麟經才攀稽涉古陂訪戴臨河隈
兩騎踏蒼茫宛如空中來日夕嚴飈興稍見歸鴉度
雖開宴臺雲不辯焦橋路呼兒斲凍蕨然蒿寫秋露
談玄析綿邈覽古悲沿沂停杯劃一笑茫然獨四顧
翟生苦節尚志人也邇從余河之上余嘉敬

焉作詩以贈

原子懸鶉衣仲蔚蓬蒿丘蒼烟卧木石浮雲傲王侯
常懷一飯恩不顧千金酬絃歌空桑裏登嘯大岡頭
眷念墟中約慙慙河上遊我亦釣鰲者佳期香滄洲
世不講曹李詩尚矣內弟會余河上能章章
道也驚有此贈

曹植白馬篇李白飛龍引流光耀千古不與日星隕
世人捧心戚番爲西子哂左生三十歲雅志測沉冥
鯨飲傾百川自稱吾酒星今朝理酒舩來過子雲亭
高談叫太白八斗揮雷霆霜雲連山海氣惡柳枝簸
簸冰花落此時萬里無人煙誰信清吟動池閣動池
閣生暮愁雪澤古龍寒啾啾他時爾獻三都賦我釣
長江萬里流

酬錢水部錫山之招

無錫錢少陽招我棲錫山江上千萬峰裊裊凌江關
下有震澤湖旁有太伯灣昔時蘇公慕陽羨陽山錫
山對相見我獨何爲阻茲游西風吹心落吳甸我問

錢少陽汝今在何所振轡金馬門看花曲江滸徐庶
竟辭劉張翰憶莫州鵝湖雲嶼間鴻山林樹秋我今
放浪黃河隅遙憶白粲心鬱紆幾時彈劍賦歸來與
爾共醉芙蓉湖

寄錢水部

我今在何所牧釣睢川陽子今在何所飛蓋臨東方
高山大澤不我限胡爲日夜遙相望鴻鴈日南飛不
寄一封書離別春草生想思秋葉踈朝看渤海雲暮
眺滄洲月樹寒多天風相思幾時歇

十四夜脩然臺二首

正德初李孛潛河上築脩然之臺

中州可以望天地黃河之水何恍惚爲此築臺臨其
涯坐看月生復月沒今年中秋地無雲綠烟溟濛海
月發金流水波貝宮湧蛟龍出遊爭海月我欲乘槎
捉蛟龍浪高力微懼滅歿嗚呼滅歿不足惜只恐竟
無益

蓬池有嘯臺夷門有吹臺二臺突兀眼前一杯土英
雄落莫成今古我今有臺不嘯復不歌月高霜白如
夜何臨洪河望四海山川悲月不改昔日芒碭五色
氣烟銷浪滅今安在

十五夜

去年燕山南易水北終宵待月不可得露雲崢嶸蔽

空同集卷三十一
十二
瑶闕頓箸停杯三太息今年有月復有臺海門煙滅
沒四顧天地開何爲不飲歌且哀君不見少年時馳
逐京洛陌夜夜謹呼山月白揮鞭不顧五陵客月圓
月缺天有之人生豈復如舊時不如采取靈兔藥富
貴浮雲豈足樂

十六夜

唧唧復唧唧當戶鳴促織月中何所有云是仙桂枝
此桂開花復結子安得夜夜常不虧君不見梁園酒
一斗錢十千昔時信陵有賓客不飲豈足稱豪賢直
須醕酏計草澤明日射獵睢陽川

十七夜

三日不見月見之半輪沒清光猶能鑿毛髮不愁倒
卻婆娑樹只恐損破清虛闕清虛闕在何許白氣熒
熒走金虎雖有三萬六千戶手提玉斤不敢補涼風
颼颼自西來吹我衣心獨苦長歌潛行攬洲莽

客有笑余霜髮者走筆戲之

客且盡手中觴不須笑我頭上霜客盡觴且停之聽
我高歌霜髮詞君不見天上烏東跳西走不相待又
不見黃河水萬古滔滔向東海我身不是南山松又
不是山上峰奈何與年少爭春風鬪雞走狗傾春紅
君不見昔時孔仲尼轅環顛顛無已時盜跖殺人如
亂麻錦衣高壽顏回嗟聽我霜髮歌歌短情則多軒

車駟馬渾等閑何似日銜金叵羅金叵羅青玉案何
以贈客錦繡段頭白頭白何須嘆

戲作放歌寄別吳子

吳名廷舉字
獻臣蒼梧人

惟昔少年時彈劍輕遠遊出門覽四海狂顧無九州
獻策天子賜顏色錫宴出入黃金樓揚鞭過市萬
馬群半醉唾罵文成侯結交盡是扶風豪片言
脫千金裘彎弓西射白龍堆歸來洗刀青海頭
崑崙河磧不入眼拂袂乃作東南遊江海洶湧沙
日月島嶼蹙杳混吳越匡廬小瑣拳可碎鄱陽觸
怒踴欲裂澤中龍性能人言噴濤吹浪昏漲天大
鵬舉翼四海窄笑爾弋人何慕焉東湖子君非
泮忍閭穆取位之丈

夫余亦豈卑卑與世而浮沉恟復共闔非庸劣廉
藺終投萬古欽攀鱗掃氛代不乏我豈復戀頭上
簪旅門黃犢穩足駕商顏紫芝山固深有飛倘附
秋空音晉州留別州守及東廡令用李白崔秋浦韻
荒原送行客白揚起西風雙鳧下雲漢五馬繫秋
桐連城滹水上馳譽燕代中登高望雲海離思浩
無窮

客過屬驟雨過

鳴雷不終夕急電偶來同城波靜綺席苑樹生長風
雨殘白日外虹垂青霧中爲愛揚州客留連尊酒空
結客行席上贈洪生

翩翩紫騮馬燦燦雲花袍結客梁州市傾心贈寶刀

意氣凌朱亥英聲蓋伯高見說烟塵起橫行是爾曹
程生遊華山歸也誇我以絕觀動我以靈篇
爰贈此章抒我夙悵

君行值杪秋飄飄登雲巔笑弄石蓮花俯漱玉女泉
秦時采松女有無嬉紫烟雙騎兩茅龍曾逢呼子先
夜棲何峯室遇師叩何詮一虎嘯海月萬壑驚風旋
颯然毛骨換錯落神光圓晨興拔長蘿朗詠青霞篇
黃河衣帶去蓬萊瞪目前赤日跳扶桑仙掌發紅鮮
伊予歉茲游挂心三十年夢想落鴈頂携詩問青天
林麓限層雲奮飛悵無緣安能振衣去共爾追群仙

懷湘曲

湘筠寒翠滿白日起秋雲美人杳何處江氣長氤氳
手持紫玉管遙望青霞君藹藹波水暮何由致慇懃

獵雪曲二首

日光搖白雪黃雲片片裂狐裘誰家郎駿馬如電掣
馳騁復徘徊掉臂角弓開一發中雙狸笑上梁王臺

二

荒荒凍日白出門雪一尺爰爰道左兔意態一何適
我弦纔一鳴不見彼行迹寄言遊獵人姑待春草碧

泂溪吟

濟川何必舟編竹便可涉秋風蘆白花澗沿水一葉
淺之不用維渡深豈須楫黑潭有龍氣雲起腥風接

送潘幕張小山入朝

騮馬向風嘶銀鞍翻玉蹄結裝紫微下別我綠楊西
記室髮點漆參軍髯過臍馮唐莫恨老神物不終泥
贈程生之南海

生爲海南客幾度登羅浮天清衆島出萬水朝宗流
乘桴聖者嘆望洋遊子愁明珠與翡翠歲歲到神州

近竹吟

蕭蕭數竿竹每與寒歲期翠色酒中滿清風琴上吹
跡值月來處密當雲起時萬動紛華裡一杯聊自持
水司陶君種桃柳成各有詩予和二首

石堤萬萬樹一插卽成林五柳陶公意甘棠邵伯心

許我聽鶯去携壺就綠陰

如何梁苑地忽見武陵津汎汎青霞水盈盈紅錦春
莫熟貧民食無兒許婦人

贈謝子二首

涼風吹海月當酒墮我懷愛此皎潔光願與君子偕
攬之不入手仰面看昭回銀潢南北流竟夕但徘徊

二

大河起長風挂席破黃濤問子今何之嶺海聊遊遨
羅浮綠髮人思之我心忉幸君叩丹訣順風託鴻毛
相逢行贈袁永之

清晨客叩門投我一書札開緘錦雲爛鏗然玉相戛

問客何方來新下黃金臺揚鞭指河洛迴旆陵高岷
選珍掇琪艸探美收璵瑰路逢赤松子並舉拔氛埃
道同心乃冥神投誼難年古人重良契豈必聲影偕
行行報嘉績真此明堂材

空同先生集卷第二十二

空同先生集卷第二十三

北郡李夢陽撰

詩

五言律詩一百首

大禮一十四首

郊觀齋居東邊齋二太常

郊壇值雪

西天門候祀

恭陪郊祀紀成

郊祀以病不與

臥病酬邊君天壇步月見懷之作

大行皇帝挽詩三首

候輓

望 泰陵

謁孔廟

壇祀酒會

益王頌

懷古一十七首

驪山

橋山

彘子

朱遷鎮

朱遷鎮廟

峴山

鹿門山

冬日仁和門外二首

令婆墳

始謁徐祠

徐墓書張相國碑銘

陳祠在徐墓東

韓文公祠

武陵郡公祠

徐蘇二祠

鵝湖書院

遊覽六十九首

經長陵詣黃花鎮

白洋城

至黃花

銀山寺

出塞二首

環縣道中

寺

繁臺春望

繁臺別業

高遠亭

詣別業

登盤山頂顧望二湖

中湖寺二首

南湖

北望畏雨不至

下南湖

曉行雲夢澤

劉家隔

浮漢

浮江

九江

發九江

豐安庄

圓通寺阻雨

圓通寺阻雨聞石門礮橋斷水湧阻往東林
五老峰
再至洞院

迴流山亭
折桂寺

團山登望
芝山望

芝山寺感事
龜峰

泊安仁
鉛山

明遠樓春望
市汊夜泊

豐城夜泊
舟往臨江即事

雨泊豐城
夜行時江

赴新喻
自進賢趨撫州

雲山渡
玉峽驛夜泊

白沙驛
宜春臺春望

澗富嶺赴安福二首
鬱孤臺

曉至鄔子驛
再至玉虛觀

仙樓
謝岩秋日始集

秋望
古城春望

東陂秋泛三首
與駱子遊三山阪三首

上方寺鐘樓
上方寺鐘樓晚登

春晴野寺和李大
城南夏望和王相國

春日臺寺

大禮一十四首

郊觀齋居東邊喬二太常

人日過仙院春霞縹緲分碧回瑤澤草紅綻藥宮雲
獨處依松對清齋對鶴羣桃源知並入惆悵不逢君

郊壇值雪

鳳輦連宵發雞鳴雪滿畿嚴隨黃鉞至清繞翠華飛
伏謁深沾珮朝回半濕衣懸知清切地冲默迓天威

西天門候祀

瑤壇暮雪盡月出禁門西地靜鳴珂碎沙寒簇仗低
臺官移斗柄衛士掃雲梯遙識龍文氣爭傳法駕齊

恭陪郊祀紀成

御氣三更合君王在闕宮燎煙凝碧落墀月起微風
上帝居歆夕文王陟降中諸壇嚴從幕元祀報成功

侑食珪璋潔登歌玉磬同神旋仍醉飽萬舞向春空
郊祀以病不與

端月温風至圓丘瑞霧多開壇洽百禮伏枕想登歌
日月春旂閃雷霆晝輦過年年覲上帝只爲乞民和
臥病酬邊君天壇步月見懷之作

霽夕開芳甸祠官悵獨遊銀潢橫殿落壁月抱壇流
漢時饒煙霧秦城逼斗牛甘泉詞調絕疲病若爲酬

大行皇帝挽詩三首

弘治十八年五月

午門朝遂罷西殿臨真哀淚滿乾坤暮日黃風雨來
虎賁猶宿衛龍馭幾時迴莫測皇天意中崩帝業摧

大訓文華踐英謀武範遺先朝無顧命大漸問班師
上食金輿備移宮素幔垂向來激切疏優渥小臣知

三

元老炯仍在退朝無昔呼閒階惟玉輅夕日已金鋪
望幸霓旌遠埋靈山殿孤君看霜露節冠冕灞陵趨

候輓

冬月初圓夕含悲候輦東閣門猶警蹕松栢已新宮
象衛悲風入龍旂白霧中有鬣渾欲挽雲墮鼎湖弓

望秦陵

昔臨園西內悲風入紫冥今來松栢望斜日秦陵青
殿起雲煙入龍遊劔壘肩萬國今多難孤臣涕倍零

謁孔廟

端笏陪朝列時禋謁聖林戟門留石鼓春殿靜珠琴
奎府星連切壁池龍躍深詵詵趨國子早晚翠華臨

壇祀酒會

齋居新宴合桂裏戟門開鴈趨龍旌到蛩喧羯鼓催
松筠分曙色劔珮接行杯日上雲霞散驂驪羽騎迴

益王頌

憲宗王十子益府實稱賢體統朝廷半敦崇德業全
書堂斜晝日琴殿淨秋烟問寢還英嗣時研世子篇

懷古一十七首

驪山

繡嶺花仍繡湯泉滿故宮禁池人自浴新月古應同
玉殿興亡後青山涕淚中千岩歌吹久猶想翠華東

橋山

青宮棲古岑白露靜松林忽下烏號淚遙悲龍去深
衣冠萬國後轍跡四方心一氣流羣帝哀哉笙鳳音

瓠子

沈璧餘瓠子橫汾懷帝歌波濤滿眼送城郭沒年多
虎戰仍三晉龍遊失九河宋人饒事蹟今望亦滂沱

朱遷鎮

水店回岡抱春湍滾白沙戰場猶傍柳遺廟只棲鴉
萬古關河淚孤村日暮笳向來戎馬志辛苦爲中華

朱遷鎮廟

宋墓莽岑寂岳宮今在茲風霜留檜栢陰雨見旌旗
百戰與戈地中原左衽時土人嚴伏臘偏護向南枝

峴山

大名終不滅墮淚此山碑後進才非乏風流爾足師
古堂陰漢水新路改城池回首隆中接秋雲兩處垂

鹿門山

龐公真漢隴孟子復唐詩舊宅新秋葉孤墳千載遺
泉裊石穴細葛倚松門垂望望青峰近吾襟曠爾期

冬日仁和門外二首

寂寞何王殿遺墳此徑孤玉階
雪草野日自金鋪

廡暝牛羊聚林風鳥雀呼白頭香火者猶護赤龍符

二

二塚纍纍接聊城復定安世二王絕情哀宮獨盛世異柏

同殘久雨石門塌新霜帷殿寒西陵時節望誰見綺

羅嘆

令婆墳

國初掄秀嫗分遣入周宮但覩丘墳鬱寧知乳哺同

後王忘昔日顏屋鎖春風寒食鶯啼切林花落自紅

始謂徐祠者曰有像則人起敬

廟古傍湖偏春行更可憐楚城芳草徧紅日此堂懸

榻想陳公後時悲孝獻前亦知遺像誤瞻拜淚油然

徐墓書張相國碑銘

不讀南州傳誰知高士心江城遺塚在春日古祠深

竹鳥嚶嚶合松墻靡靡陰曲江千載碣書罷淚盈襟

陳祠在徐墓東

可訝司徒廟偏隣孺子墳哲人堪一哭漢鼎竟三分

門引江畔草榻留松上雲紛紛車馬客誰此薦清芬

韓文公祠

袁州山在城韓廟倚山清冕服前朝貌文章百代名

石苔猶馬路春竹自鶯聲立望潮陽近翻翻海氣征

武陽郡公祠

惠愛前人蹟追思後代心洪都觀察廟香火古江濤

白日江山過青松霜露深亦知精爽異應厭鼓鼙音

徐蘇二祠

孺子真高特雲卿岬後先揮鋤傲漢冕捫屨臥江烟
寧飲糟糠畢耻同貪濁全凄凉百代字悵望一潸然

鵝湖書院

書院佛堂邊頽垣嶺谷連四時僧洒掃千古儼高賢
立壁東萊毅懸河子靜偏衆流終一海流淚考亭前
游覽六十九首

經長陵詣黃花鎮

沙嶺群峯會黃花一徑穿臨岬防馬駭枯木有蛇懸
鎖鑰關門壯星辰陵闕連舊驅悲虜賊得失豈皇天

白洋城

京西太行崦孤壘白洋間已巳曾通賊居庸並立關
水合桑乾去峰連塞上山聖君敷遠德秋日戰旗閑
至黃花

銀山寺

黃花城壓岑山合晝多陰坐見五陵霧來爲九月霖
泥生劒戟溢寒重鼓鼙沉寂寞松林外那傳孤鴈音
銀山倚鐵壁天外削三峰下見林中寺來聞午後鐘
僧徒住石屋雷雨拔門松西望諸陵接雲成五色龍
出塞二首

胡蔓黃河限秦亡紫塞存積沙浮落日寒霧宿踈墩

哨馬三邊動燒荒千里昏將軍拜金印白骨不曾論
二

磧日淡無暉胡沙驚自飛望烟尋戍壘聞鴈忽沾衣
大將搜河套遊兵出武威賀蘭山下戰昨日幾人歸

環縣道中

西人習鞍馬而我憚孤征水抱琵琶寨山銜木鉢城
裹瘡新罷戰插羽又徵兵不到窮邊處那知遠戍情

寺

不覩空王宇誰興浩劫心散花疑白象布地果黃金
水霧飛梁灑夕陽迴殿陰獨啜簪紱客遊賞詭雲林

繁臺春望

野曠孤煙靜高臺獨望時地殘隋氏苑天闊禹王祠
晚日雲爭白陰岨花自遲日斷南來鴈蕭然故國思

繁臺別業

地亦因臺峻天能縱屋高宋朝四帝國禹廟九河濤
上下見陵墓風烟含野蒿昔人聞醉此簡懶愧吾豪

高遠亭

虛亭盖對杪四顧果平蕪蒿嶽杯前出濁河
寺杉時送響塔鸛每來呼一約朋知飲歸車醉每扶

詣別業

跼蹐豈吾事郊遊惟獨行風回疑引騎雪落故連城
塔對疑先白臺雲曳未平感時侵歲晚白髮暗心驚

登盤山頂顧望三湖

爲訪三湖寺春山獨自來千盤不到頂萬壑劃爭迴
石罅鳴鷄犬林風過虎豹俯觀侯趙對西望白雲臺
峯日明寒雪谿泉激暗雷若非武陵口那得有桃開

中湖寺二首

龍象何年地千巖一澗迴我來尋石鏡隔竹望香臺
對繞啼猿入人從鳥道來坐歿霞氣晚只擬是天台

二

陟嶮扣岩扉一鐘鳴翠微丹崖森竹對雪壁映花飛
屋隙鳴泉寫山昏麋鹿歸松風高壑起雲臥欲霑衣

南湖

中湖果竒絕逾嶺復南湖石磴迴相倚巖泉有乍無
開窓衆壑積當殿一峰孤更覽千林竹因懷長嘯徒
北湖畏雨不至

亂山上雲氣孤客發西岑徒瞻北湖寺其如東路心
嶺猿愁暝雨巖鳥下空陰回首太行麓蕭蕭松椽林
下南湖

湖僧騎牝馬相送石門峯欹仄亂石路日暝漁樵逢
蒼茫翠微裏風落青山鐘羨爾巖居者終期塵外蹤
曉行雲夢澤

曉行雲夢澤雲起失湖村歷歷橫江雨冥冥遠岫昏
鼉鼉當馬吼鷗鷺背人翻欲擬浮湘作吾生異楚魂

劉家隔

匹馬淮山盡孤舟漸楚歌遠商吳蜀雜
新雨漢江波
驕燕斜斜下輕鷗片片過整帆遲明發
天色定如何
浮漢

杳杳向前城揚船浮漢行水聞天上轉
色出雨中明
已近鳴鷓月長看龍霧生陳詩嘆秣馬
風浪獨含情
浮江

浮江晴放舸挂席曉須風日倒明波底
天平落鏡中
開牕問赤壁拔柁失吳宮萬古滔滔意
潯陽更向東
九江

九江江九流廬嶽負江州世代催前浪
圖畫羨上游

城孤落日映虎去暮天幽夜笛鄰舟送
曲終無限愁
發九江

已發南風盛須時且復停岼沙延繫纜
竹色隱回汀
行待江水穩臥看廬阜青此生誰固料
湖海一萍萍
豐安庄

地氣南逾熱僧林晚暫栖雲開一江去
日在萬山西
修竹涼風至昏鴉古木齊凭高忽灑淚
清世有征鼙
圓通寺阻雨

岩扉隣虎穴淹坐面猴江山動雲生服
風迴雨入牕
漸交松際響鷲闢石間瀧鈴磬烟蘿外
高峰只自雙
圓通寺阻雨聞石門礮橋斷水湧阻往
東林

石門雨斷橋途阻虎溪遙及想遠公室秋蓮應盡飄
愁猿吟霧裏落葉重林腰更有天池望巖巖向碧霄

五老峰

東南濤浪吞五老古今存秀色彭湖浴諸峯廬嶽尊
中宵見海日南斗豁天門霜雪顏常靜雲烟解變魂
再至洞院

昔別秋色苦今遊風澗清穿石竹猶活雨過泉自生
禮殿古門換釣臺新路平獨來誰每見雲日此峰情

迴流山亭

亭高山盡入回首見鄱陽天地開吳楚絃歌有宋唐
峰雲低棟白湖日倒碑黃六月吾來此涼風不可當

折桂寺

折桂何朝院開基分翠峰惺明五老雪門掩半崖松
泉瀑飛人過香臺印虎踪千巖誰得到百里但聞鐘

團山登望

石壁朝饒
二山名

團山當縣口石壁對朝饒日靜湖波斂天低島色遙
風雲餘霸氣吳楚混前朝秋水年年落英雄恨不消

芝山望

吳楚分何代乾坤此郡孤江從對裏斷山入雨中無
戰鬪名空在英雄世與徂酒酣撫長劒極目盡重湖
芝山寺感事

偶到芝山寺遙傷薦福碑霜雪十月動秋戰萬家悲

涼入丹楓墮岬高黃葛垂洪釣融萬物黔首獨旌旗

龜峰

立壁有天地浮雲無古今仲冬諸客到落日亂峰陰
峭峽通人過危巖把酒唵竒多看不徹昏黑更登臨

泊安仁

官舟商泊同城近月濛濛戍鼓夜長擊漁燈時自紅
烏鵲枝難穩豺狼穴易空向來論大對心切古人風

鉛山

山水交閩越東南古縣聞一峰晴冒雪兩水晝蒸雲
石井鵝湖倚車盤鳥道分儒宮荆棘裏寒葉痛紛紛

明遠樓春望

貢院初開閣春陰獨倚欄柳邊千艦聚花裏萬家殘
風雨江聲壯兵戈地色寒斷腸沙雁北羣起向長安

市汊夜泊

此夜章江月無端照獨舟人生真梗泛歲暮且帆遊
臘逼寒燈焰波吞霽雪流坐吟風鴈起漁笛滿前洲

豐城夜泊

夏至北風至晚晴涼意增江船逼新月沙色亂踈燈
暗漿故相撥浮陽還自蒸倚檣看劍氣仍見斗間曾

舟往臨江即事

直岬含風細中江放舸安地隨帆席轉風進晚潮殘
霞樹迎牕過晴山卷幔看遙驚雙浴鷺色舉向雲端

雨泊豐城

古岍花層濕陰江鷗半飛波迴撼船重雨側入簾微
潭愛金華湧亭傷寶氣稀二年三歷此腸斷北舟歸

夜行盱江

燈火遵山閃旌旗折路類仙壇杳不見片月故須親
土俗漸異楚人言多雜閩豈無噀不足訟簡愛吾民

赴新喻

露對且烏啼孤舟晨向西蕭灘千百轉昏暮到羅溪
古驛屯雲密平沙沒日低揚帆更前去月夜不須迷

自進賢趨撫州

炎域霜何厲寒原木欲稀肩輿隨落葉晨日上征衣

路勢東南轉北風鴻雁歸東鄉新血戰巢破鳥猶飛

雲山渡

渡古雲山積江明日色鏡霜融木更落野靜路堪遙
冠蓋行相望干戈氣未消傷心弄兵者汝業本漁樵

玉峽驛夜泊

暑泊無風夜江船深自涼雲纖沾葛細月湧去波長
古峽銜孤驛名山引玉梁前途堪躍馬旦發問仙鄉

白沙驛

沙古幽幽白江新泯泯清水街村作國山繞驛爲城
萬里將南徼孤槎且暮征壯心與落日的的向波明

宜春臺春望

古州圖記見今望臨高臺人倚楚天盡風驅湘色來
密雲生曉暝遠水上春雷尚有干戈淚馮軒眼倦開

澗富嶺赴安福二首

三月赴安城遙攀嶺路行前驅真避虎絕壁亦啼鶯
周覽物色換極高雲氣迎俯看南贛路孤舸會將征
二

山行忽百里步步山情新蘿擁千盤透花齊萬谷春
寒暄不異地憂喜暫隨人默誦垂堂戒私嗟名利身

鬱孤臺

朔日送客返慨然登鬱孤悲歌爲閩廣指顧盡江湖
南俗羗夷雜北流章貢俱兵舸尚滿眼繹繹詣饒都

曉至鄔子驛

湖夜乘風過天明見驛樓數家依獨對落月隱春洲
日抱越峰上江奔吳徼流姚源東水外兵甲氣還浮
再至玉虛觀

龍沙欣自昔久泊遂今期雨露新松大丹青舊殿移
岼雲通繡拱江日抱金池欲倚門東閣愁看日暮時
仙樓

仙樓忽欲暝鐘鼓下江烟獨坐一燭秉當門新月懸
石寒壇近斗沙靜對浮天半夜朝羣帝珊珊羽節還

謝岩秋日始集

百戰江山在吾來草木秋孤城洞口落襄水席邊流

去國雙王祭題岩只謝侯醉歸憶山簡飛與習池頭

秋望

蝶戲猶餘藥蟬吟已怯枝乾坤入漢日霜露望鄉時
屈子偏生楚王通不負隋晚楓江更苦莫上峴山祠

古城春望

陰陰日欲暮迢迢春望稀野色吹寒立林鴉逆雨歸
孤城還麥秀白首且花飛臨路長楊嫋前朝今是非

東陂秋汎三首

久說東陂好今陪上客遊綺筵開畫舫哀笛奮中流
舞每低輕燕歌先起白鷗稍前休更進吾愛荻花洲

二

水寺通人少松亭隔芰荷問僧舟暫艤登岍酒同過
草木秋風入湖山晚色和返橈須痛飲前路滿漁歌

三

進艇晨烟碧回棹晚日黃宿禽喧亂葦飢獺竄空梁
放浪形骸得牽纏世路忙要君待明月此水是滄浪

與駱子游三山陂三首

庫部平生友湖山百代心追思宮闕地蕪沒水雲深
連馬穿蘆入羣鷗坐石吟誰能堪落日莽莽古城陰

二

丘壑胸應滿乾坤眼獨真揚鞭指河洛立馬說周秦
古墓笙歌地前朝戰伐塵秋風颭颭起白草正愁人

日扇逢林却風旗改路迴悲涼元此嶽攀陟復何臺
雲破遠峰出天秋孤鴈來明朝異南北歸騎莫教催
上方寺鐘樓

臺上一鐘鳴登臺萬里平蒹葭天正遠雲氣暮還生
飢雀喧空澤黃蒿斷古城不堪臨眺屢况是感秋情

上方寺鐘樓晚登

危閣秋登霽寒烟晚坐重長風欲動地落日故銜峰
葦颭騰雙鷺雲拖挂一龍此懷吾不淺恠爾暮鳴鐘

春晴野寺和李大

野闊愛春幽新晴覓寺遊立僧當徑望融雪向門流

淨色悲諸界浮生晒一丘憐君厭囂俗行處即滄洲

城南夏望和王相國

散步郊南望雜鴉欵欵飛園林惟草色時序已絺衣
試粉蓮初膩殘香棟乍稀亦思河朔飲無奈賞心違

春日臺寺

寺僻春還麗人閑午任遊行隨碧草遠話爲老僧留
池竹晴常潤龕花晚更幽塔端兩巢鶴怪爾亦優游



